

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 19/08/2025

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministesch fir Mobilitéit an Ëffentlech Aarbechten weiderzeleeden.

Lëtzebuerg huet aktuell op sengen Autobunnen an den Tunnellen insgesamt 3 Streckeradaren, alleguerten op der A7. Normalerweis ass déi bestoend Vitesslimitatioun vun 90 Stonnekilometer anzehalen, déi bei Bedarf awer och op 70 zum Beispill kann erofgesat ginn. Tëschent den 3 Tunnellen, déi vun de betreffende Radaren iwwerwaacht ginn, ass zum Deel och eng aner Geschwindegkeet erlaabt.

An deem Zesummenhang wéilt ech der Ministesch dës Froe stellen:

1. Ginn et Etuden déi beleeën, dass eng méi héich Vitesse-Limitatioun an de betreffenden Tunnellen aus Sécherheetsgrënn net ze recommandéieren ass ?
2. Ginn et beim Ministère Iwwerleeungen déi eng Adaptéierung vun dëser Vitesse-Limitatioun an den 3 betreffenden Tunnellen, mee och allgemeng do wou et méiglech ass an allen aneren Autobunnstunnellen, virgesinn (sief et no ënnen oder no uewen)? Falls net, aus wéi enge Grënn gëtt esou eppes net envisagéiert ?

Mat déiwem Respekt,



GOERGEN Marc
Deputéierten

